



**ԲՆԱԿԱՀԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄՆԻ
ԼՈՌՈՒ ՏԱՐԱԾՔԱՅԻՆ ԲԱԺԻՆ**

ՈՐՈՇՈՒՄ N L/18-24-Վ

ՊԱՏՃԱՌՎԱԾ ՎՆԱՍԻ ՀԱՏՈՒՑՄԱՆ ՊԱՀԱՆՋԻ ՄԱՍԻՆ

11 ապրիլի 2024 թվական

ք. Վանաձոր

Բնապահպանության և ընդերքի տեսչական մարմնի Լոռու տարածքային բաժնի պետ Աղասի Հարությունյանս, քննության առնելով ապօրինի ծառահատման փաստով Լոռու մարզի, Տաշիր համայնքի, Տաշիր բնակավայրի, Անտառային փողոցի, 9-րդ թաղամասի, տուն 39 հասցեի բնակչուհի Նինա Իյուշի Մանուչարյանի (անձնագիր AS0462210՝ տրված՝ 25.12.2018թ.) նկատմամբ հարուցված վարչական վարույթի նյութերը.

ՊԱՐԶԵՑԻ

Նինա Իյուշի Մանուչարյանը 2024 թվականի մարտ ամսվա ընթացքում «Հայանտառ» պետական ոչ առևտրային կազմակերպության «Տաշիրի անտառտնտեսություն» մասնաճյուղի Մեծավանի անտառպետության թիվ 6 պահաբաժնի տարածքում ապօրինի հատել է 34սմ հատման տրամագծով «Սոճենի» և 36սմ հատման տրամագծով «Բարդի» տեսակի ծառեր, որի հատուցման չափը «Բնապահպանական իրավախախտումների հետևանքով կենդանական և բուսական աշխարհին պատճառված վնասի հատուցման սակագների մասին» Հայաստանի Հանրապետության օրենքի 3-րդ գլխի 6-րդ հոդվածի 9-րդ մասի հիման վրա կատարված հաշվարկի, կազմում է 92000 (իննսուներկու հազար) ՀՀ դրամ:

Նինա Իյուշի Մանուչարյանը չի վերականգնել պետությանը պատճառված վնասի հատուցման գումարը:

Հիմք ընդունելով վերոգրյալը և ղեկավարվելով Հայաստանի Հանրապետության Անտառային օրենսգրքի 61-րդ հոդվածով, «Բնապահպանական վերահսկողության մասին» Հայաստանի Հանրապետության օրենքի 27-րդ հոդվածի 5-րդ մասի «դ» կետով.

ՈՐՈՇԵՑԻ

1. Նինա Իյուշի Մանուչարյանին պարտավորեցնել հատուցելու պետությանը պատճառված 92000 (իննսուններկու հազար) ՀՀ դրամ գումարի վնասը:
2. «Բնապահպանական վերահսկողության մասին» Հայաստանի Հանրապետության օրենքի 28-րդ հոդվածի 3-րդ մասի 4-րդ կետի համաձայն, Դուք պարտավոր եք տասնհինգօրյա ժամկետում սույն որոշման 1-ին կետով սահմանված վնասի հատուցման գումարը վճարել Հայաստանի Հանրապետության պետական բյուջե՝ **900005024063** հաշվի համարին:
3. Սույն որոշումն օրինական ուժի մեջ է մտնում Նինա Իյուշի Մանուչարյանին հանձնելու (հանձնված համարվելու) հաջորդող օրվանից.
4. Սույն որոշումը կարող է բողոքարկվել վերադասության կարգով՝ տեսչական մարմնի ղեկավարին որոշումը հանձնելու (հանձնված համարվելու) օրվանից հետո մեկամսյա ժամկետում կամ դատական կարգով՝ Հայաստանի Հանրապետության վարչական դատարան, որոշումը հանձնելու (հանձնված համարվելու) օրվանից հետո՝ երկամսյա ժամկետում:
5. Սույն որոշումն օրինական ուժի մեջ մտնելուց հետո երկամսյա ժամկետում դառնում է անբողոքարկելի և ենթակա է հարկադիր կատարման:



Ա. ՀԱՐՈՒԹՅՈՒՆՅԱՆ